

այս կանոնը կը կատարուի. կը կարգացուին Ս. գրոց կտորներ, երախաները կ'արձակուին, պաշտամունք կը կատարուի Ս. Խաչին առջև, և միևնոյն ժամուն Սիոն կ'երթան. կը կարգացուին նոյն ընթերցուածները, թափօրը նոյն ժամուն կ'ելլէ Ձիթենեաց յետ. կը կատարուին առաւօտեան և երեկոյեան ժամերգութիւնները, կը կարգացուին հինգ գուրդաներ սաղմոսներու եւ ազօթք՝ հանգերձ ծնրադուրթեամբ: Թափօրը երեկոյին կ'երթայ Բրի եկեղեցին, իսկ գիշերը Աշակեսարանի եկեղեցին. երկու տեղերն ալ կը կարգացուին Աւետարան: Գիշերուան միևնոյն ժամուն կ'իջնեն Գեքսեւանի: Կը կարգացուի Աւետարան, գիշերուան մէջ սաղմոսելով թափօրը կը հասնի Գողգոթա. կը կարգան Աւետարան, յետոյ Դասաւորին (Պիղատոսի) Պալատը. կը կարգացուի Աւետարան, գիշերուան միևնոյն ժամուն սաղմոսերգութեամբ կուգան Գողգոթա և կը կարգան Աւետարան, ու յետոյ թափօրը կ'աւարտի: Իւրաքանչիւր տեղւոյ մէջ կատարուած Աւետարանները, սաղմոսներն ու երգերը ճշգիւ կը յարմարին ու կը պատշաճին Ս. Տեղեաց և այսու ևս կը հաստատուին նոյն տեղեաց աւանդութիւնները:

8. Ս. Ասուածածնի ճնողաց՝ Յովակիմ եւ Աննայի տունը. — Ս. Կուսի ծննդեան տեղը որոշելու համար բաւական վէճեր եղած են, եւ զանազան աւանդութիւններ կան: Կը կարծուի թէ ան ծնած է Նազարէթ կամ Բեթղեհէմ. բայց այս վարկածները այնքան չեն զօրաւոր՝ որքան արեւելեան այն աւանդութիւնը, որուն համաձայն կը նկատուի թէ Ս. Կոյսը ծնած է Երուսաղէմ, իր մօրը Աննայի տան մէջ, Պրոպատիկէի մօտ. այդ պատճառաւ այն եկեղեցին որ շինուեցաւ